

憲宗純皇帝成化二年春正月改封董仲舒爲廣川伯又封從祀諸未有爵者胡安國爲建寧伯蔡沈爲崇安伯真德秀爲浦城伯

孝宗敬皇帝弘治元年冬十月議釐正文廟從祀不果行

禮科右給事中張九功請罷荀况馬融揚雄進禮部侍郎兼學士薛瑄下禮官集議尚書周經等言揚雄已黜於洪武時而薛瑄嘗與元儒劉因並欲從祀楊上奇謂其無著述而止自餘皆有羽翼聖經之功宜仍舊從祀○少詹事兼侍讀學士程敏政奏曰臣考歷代正史馬融初應鄧騭之召爲秘書歷官南郡太守以貪濁免官髡徙朔方又不拘儒者之節前授生徒後列女樂爲梁冀草奏殺忠臣李固作西第頌以美冀爲正直所禽衆醜備於一身五經爲之掃地劉向初以獻賦進喜誦神僊方術嘗上言黃金可成鑄作不驗下吏當死所著洪範五行傳最爲舛駁使其子經世之微言流爲陰陽術家之小技賈逵以獻頌爲郎不修小節附會圖讖以致

賈顯益左道亂政之人王弼倡爲清談注易專祖老莊范甯以爲罪深桀紂何休則止有春秋解詁一書黜周王魯又註風角等書班固之於孝經論語蓋異端邪說之流也戴聖爲九江太守治行多不法濯何武劾之而自免後爲博士毀武於朝及子賓客爲盜繫獄而武平心決之得不死則又告謝不漸身爲賊吏子爲賊徒王肅在魏以女適司馬昭當是時昭篡勢已成肅爲世臣封蘭陵侯官至中領軍乃坐觀成敗及母丘儉文欽起兵討賊肅又爲司馬師畫策以濟其惡若好人佞已乃其過之小者杜預所著亦止有左氏經傳集解其大節蓋無可稱如守襄陽則數饋遺洛中餐要伐吳之際因研瘦之譏盡殺江陵之人以吏則不廉以將則不義凡此諸人其於名教得罪非小而議者謂能守其遺經轉相授受不爲無功夫守其遺經若左丘明公羊高穀梁赤之於春秋伏勝孔安國之於書毛萇之於詩高堂生之於儀禮后蒼之於禮記杜子春之於周禮可以當之以之從祀可也若融等不過訓詁此九人所傳者耳况其書行於唐故唐姑以備經師之數今易用程朱詩用朱子書用蔡氏春秋用胡氏又何取於不正之人使安享天下之祀哉至於鄭衆盧植鄭玄服虔范甯五人雖若

無過然其所著亦未能以祭聖學若五人從祀則漢唐以來當預者尚多臣愚乞將戴聖劉向賈逵馬融何休王肅王弼杜預八人褫爵罷祀鄭眾盧植鄭玄服虔范曲臺記戴聖等皆受其業禮記非后氏不傳乞與左丘明等一體從祀又孔子弟子見於家語自顏回而下七十六人家語之書出於孔子當得其實而司馬遷史記所載多公伯寮秦冉顏何三人文翁成都廟壁所畫又多蘧瑗林放申枨三人先儒謂後人以所見增益始未可據臣考宋邢昺論語注疏申枨孔子弟子在家語作申續史記作申黨其實一也今廟庭從祀申枨封文登侯在東廡中黨封淄川侯在西廡重複無稽一至於此且公伯寮愬子路以沮孔子乃聖門之彘騰而孔子稱瑗為夫子决非及門之士林放雖嘗問禮然家語史記邢昺注疏朱子集註俱不載諸弟子之列秦冉顏何疑亦為字畫相近之誤如申枨申黨者但不可考耳臣愚以為申枨申黨位號宜存其一公伯寮秦冉顏何蘧瑗林放五人既不載於家語七十子之數宜罷其祀若瑗放二人不可無祀則乞祀瑗於衛祀放於魯或附祭於本處鄉賢祠仍其舊爵以見優崇賢者之意○何孟春

日七十弟子門人有公孫尼子者作樂記緇衣矣吐詞為經宜列從祀敏政乃不之及何耶○敏政又曰洪武二十九年司副楊砥建議黜揚雄進董仲舒矣然荀况揚雄實相伯仲而况以性為惡以禮為偽以子思孟子為亂天下以子張子夏子游為賤儒故程子有荀卿過多揚雄過少之說今言者欲並黜况之祀宜也漢儒莫如董仲舒唐儒莫如韓愈而尚有可議者一人文中子王通是也通之言行先儒之論已多夫約以為僭經臣請斷以程朱之說程子曰王通隱德君子也論其粹處殆非苟揚所及朱子曰文中子論治體處高似仲舒而本領不及真似仲舒而純不及又曰韓子原道諸篇不免文士之習利達之求若覽觀古今之變措諸事業恐未若通之精到懇惻而有條理也至於河汾師道之立出於魏晉佛老之餘迨今人以為盛則通固豪傑之士也今董韓金列崇祀而通不預疑為闕典臣又按宋儒自周子以下九人同列從祀而尚有可議者一人安定胡瑗是也瑗之言行先儒之論已詳大約以為少著述臣亦請斷以程朱之說程子看詳學制曰宜建尊賢堂以延天下道德之士如胡瑗張載邵雍使學者得以矜式朱子小學書亦備載瑗事以為百世之法臣以為自

秦漢以來師道之立未有過瑗者况宋端平二年議增
 十賢從祀以瑗為首若以為瑗無著述則元之許衡亦
 無著述臣考之禮有道有德於教於學者死則為樂祖
 祭於瞽宗通瑗兩人師道百世如新得加封爵使與衡
 同祀於學宮最得禮意部議皆不從○國初王禕從祀
 議曰孔子廟庭從祀者凡百有五人自澹臺滅明至孔
 鯉七十一人皆受業聖人之門而承聖人之教者也自
 左丘明至許衡三十四人皆傳註聖經尊崇聖學而有
 功於聖人之道者也蓋自唐貞觀二十一年始以左丘
 明至范甯等二十一人從祀及宋元豐七年復增荀况
 揚雄韓愈以世次先後從祀左丘明二十一人之間淳
 祐元年乃以周敦頤程顥程頤張載朱熹列於從祀景
 定二年又增張栻呂祖謙咸淳三年又增邵雍司馬光
 及元皇慶二年乃以許衡繼宋九儒皆從祀之列所謂
 三十四人者也以今論之漢儒之從祀者十四人而猶
 闕者一人董仲舒是也唐之從祀者一人而猶闕者一
 人孔穎達是也宋之從祀者九人而猶闕者四人范仲
 淹歐陽修真德秀魏了翁是也元之從祀者一人而猶
 闕者一人吳澄是也自夫孟軻既往聖學不明邪說盛
 行異端並起歷秦至漢諸儒完經翼傳局於顯門之學

而於聖人之道莫或有闕准董仲舒號稱醇儒其學博
 通諸經於春秋之義尤精所以告其若者如天人性命
 仁義禮樂以及勉強遵行正誼明道之論皆他儒之所
 不能道至其罷黜百家表章六經以隆孔子之教使道
 術有統異端息滅民到於今賴之功始不在孟子下以
 荀况之言性惡揚雄之事新莽猶獲從祀而仲舒顧在
 所不取何也秦焚之後聖經闕逸漢儒收拾散亡各為
 箋傳而偏學異說各自名家晉宋以來為說滋蔓去聖
 既遠莫可考證唐初孔穎達受詔撰定諸經之疏號曰
 正義自是以來著為定論凡不本於正義者謂之異端
 誠學者之宗師百世之取信也何休註公羊而黜周王
 魯王弼註易而專尚清虛害道已甚然在祀列胡獨至
 於穎達而遺之聖人之道或著事功或載文章用雖不
 同實則一致三代以下人才莫盛於宋東都其間慨然
 以聖人之道為己任而著之行事者范仲淹而已其言
 先憂後樂雖伊尹之任無以尚之况當其時天下學術
 未知所宗尚而仲淹首以中庸授張載以為道學之倡
 蓋其為學本乎六經而其議論無不主於仁義雖勲業
 未究而事功所及光明正大實與司馬光相上下自聖
 道不行世儒徒知章句以為事而孰知聖人經世之志

固不專在是也歐陽修與仲淹同時明聖賢之學而著
 之文章其易春秋諸說詩本義等書發揮經學為精至
 其欲刪諸經正義識緯之說一歸於正尤有功于聖道
 至於本論等篇比之原道何愧而世之淺者每目之為
 文人夫文以載道雖經大緯地者亦謂之文而顧可少
 之哉然則如范仲淹之立功歐陽修之立名皆可謂有
 功於聖道者韓愈司馬光既列從祀則此二人同決在
 所當取者也自周敦頤接聖賢千載不傳之緒而程頤
 兄弟承之朱熹有作五經四子皆有傳註論述統宗會
 元集聖賢大成中更學禁真德秀魏了翁力以尊崇朱
 學為已任而聖賢之學乃復明真氏所著有大學衍義
 讀書記魏氏所著有九經要義大抵皆黜異端崇正理
 質諸聖人而不謬足以續朱氏所傳之緒此二人者當
 繼朱氏而列於從祀者也及元興許衡起於北方尊用
 朱氏之學以教人吳澄起於南方孝經大學中庸易詩
 書春秋禮皆行傳註隱括折衷於禮經尤多剛正凡以
 補朱氏之未備而其真修實踐蓋無非聖賢正大之學
 則其人又不可謂有功聖人之道宜與許衡同列從祀按
 祀法有功聖道則祀之是七人者其有功於聖人之
 道如此

鯉之下而曾參亦在曾後咸淳三年始升配為四
 東坐而西向父祀庶下子配堂上尊卑外逆莫此為甚
 聖人之道在於明人倫而先自廢亂何以詔後世借曰
 曾子子思以傳道為重然子必當為父屈昔曾祀魯公
 躋之閔公之上傳者謂子雖齊聖不先父食以為逆祀
 今孔氏曾氏父子之生序非逆祀乎是故曾參孔伋今
 當降居於曾皙孔鯉之下又司馬光於程顥程頤為先
 進張載於二程為表叔而位次皆在下其先後次序亦
 不可不明咸淳從祀徒依朱子六贊以周二程邵張司
 馬為序而不知朱子之贊特以形容六君子道德之盛
 初未嘗定其先後之次胡可遂據以為準乎是故司馬
 光張載今當降居於程顥程頤之上若夫荀况揚雄何
 休王弼之徒有不當與於從祀者茲又未敢以遽數也
 嗟乎天下之禮有似緩而急似輕而重者以有關於名
 教也况乎禮文之事自儒者出則於有功聖道之人禮
 宜與祀而未備於禮者固不得置之而不議列之如右
 庶議禮君子有所採擇云藻按子克此議欲正曾子
 子思祀位居其父下果爾則曾哲伯魚庶祀可安而啓
 聖配可已也嘉靖諸議禮者似未睹此抑子淵之配非
 自宋始不可降而又無以處顏路故為是委曲耶罷揚

雄進董仲舒事在洪武而子充死節在前惜未之見程
敏政之議嘉靖中多采行之苟况何休等祀今俱罷吳
沈則增祀而復罷王通歐陽修胡瑗真德秀今已俱祀
特公孫尼子孔穎達范仲淹魏了翁似有所待然而可
祀者尚不止于此也

八年八月追封宋楊時為將樂伯從祀

先是祭酒謝鐸言楊時息邪放淫不媿南軒所稱繼往
開來吾道南矣實銜晦翁之派雖其晚節一出不克盡
從其言而新經之闢誠足以衛吾道吳澄生長於淳祐
貢舉於咸淳受宋之恩已如此其久為國子司業為翰
林學士歷元之官乃如彼其榮跡其所為曾不及洛邑
之頑民何敢望首陽之高士乞升時以上附宋諸賢之
位斥澄以下從莽大夫之列尚書傳滄詆之且力禱前
人之請為有見不可遽易焦芳曰所謂前人蓋楊士奇
也今天下方議其當極用之際雖從祀大事猶得私庇
同鄉可又襲其非耶滄曰有其舉之莫敢廢也澄竟從
祀仍舊至是少傳徐汝復言時雖由茶京薦起然入朝
首請黜安石配享廢其新經又乞罷綱運以收人心斥

和議以張國勢竄權臣以正邦憲培主德以崇治本胡
安國謂當時若能聽用決汝復一半時值洛學黨禁之
餘指示學者以大本所在體驗之功轉相授受朱子得
聞其指訣則見於何籙之書朱子於理一分殊之說稱
其所見益精則見於西銘之跋則以著述見少者亦未
考之過也又按元史至正間因杭州路照磨何瑜建言
已將時與李侗胡安國蔡沈真德秀並加封爵列從祀
以世變不及編行天下今躋於從祀實合公論遂躋時

世宗肅皇帝嘉靖十三年釐正祀典以申黨即申棖存棖

去黨罷公伯寮秦冉顏何荀况戴聖劉向賈逵馬融何

休王肅王弼杜預吳澄十三人祀其林放蘧瑗鄭衆盧

植鄭玄服虔范甯七人各祀於其鄉增后蒼王通歐陽

修胡瑗陸九淵從祀

張璪議曰歐陽修乃有宋一代人物所著本論實有翊
衛聖道之功蘇軾曰自漢以來道術不出於孔氏而亂

天下者多矣五百餘年而後得韓愈學者以配孟氏蓋
庶幾焉愈之後三百有餘年而後得歐陽子其學推韓
愈孟子以達於孔氏故天下翕然師尊之曰歐陽子今
之韓愈也夫韓愈既已從祀歐陽修豈可闕哉於是進
修其餘稍采張九功程敏政之議○王世貞議曰四科
十哲孔子偶追陳蔡之厄思不及門之士而記者追列
其名耳不然何傳道若曾子者而不與也宰我冉求濫
竿其間朽木糞土之謂見鄙聖門短喪自便之私得罪
名教鳴鼓之攻非徒之責凜乎霜鉞乃使偃然於大聖
一堂之上與顏閔比肩宜降置兩廡必欲補十哲之缺
則有有若南宮适二子其言行蓋為純嫺可從顯孫師
之例進補臣又考得嘉靖所進歐陽修者文章士也其
行誼政術亦在中上當議易繫非聖無法而驟賚之臣
祇以其所著濮議微合新禮邊登從祀臣以為登歐陽
修不如登范仲淹仲淹力振綱常首扶神氣又能於戎
馬倥偬之際以中庸誨引張載渾成大儒視修何啻倍
蓰○陸九淵從行人薛侃議入其疏曰宋儒陸九淵生
而清明學術純正自孟子沒而心學晦至宋周敦頤程
顛追尋其緒九淵繼之心學復明當時呂祖謙張栻輩
莫不悅服今諸子皆祀而九淵獨未從祀蓋以蚤歲嘗

與朱熹論說不合故其徒擠之為禪臣考九淵起荆門
時朱熹延入白鹿洞講論義利之旨聽者流涕熹亦嘆
服又為之跋以為不迷於入德之方則其非禪明矣夫
禪空寂其心遺人倫棄物理九淵之學如曰惟天下之
至一為能處天下之至變曰先立乎其大者曰學莫先
於義利之辯則皆孔孟之旨豈空寂其心者哉曰某何
嘗不理會文字但理會與人別耳曰人情事勢物理上
用功曰已德明然後推其明以及天下此豈遺棄倫理
者哉况荆門之政可驗躬行之效則見於賢相之稱超
然獨契乎本心以俟聖人百世則見於名儒之贊而宋
朝議謚文安亦極尊美之辭及先儒吳澄許衡
國朝名臣程敏政席書皆有撰述每稱其學之純獨陷
於記誦詞章而莫自覺者乃以躬行實踐
為近禪則世學之誤也請以九淵從祀

穆宗莊皇帝隆慶五年以本朝薛瑄從祀

成化初監臣李紳始請祀瑄嗣是屢有議及不果行至
是給事中韓楫維遵御史馬三樂皆以為請乃躋瑄○
霍韜議曰謹按歷代從祀孔庭之儒若孔門七十二賢
則親炙聖化者也漢儒則蒐輯聖經者也唐儒則疏註

聖經者也宋儒則闡明聖經者也薛瑄生當聖學大明之時實能誦法孔子雖不如七十二子親炙孔門原其精神心術無頃刻不師孔子之教雖不必如漢儒苞蘖遺經實自童叟至歿齒無頃刻忘聖經之言雖不如唐儒宋儒疏註闡明遺經觀其讀書錄平易親切非身心體驗不能及蓋其造詣不及董仲舒而篤實似之頓悟不及韓愈歐陽修而篤行過之粹精淵微不及程顥而渾厚似之出處不改其操禍患不易其節貧賤不移其介身為世師言為世訓動為世式晦而彌彰抑而彌光非真誠積累之素不能也

今上萬曆十二年以本朝王守仁陳獻章胡居仁從祀

嘉靖初行人薛侃始請獻章從祀隆慶初御史耿定向始請守仁從祀至是御史詹事講請並祀二人祭酒張位又請並祀居仁乃下廷議禮部尚書沈鯉請獨祀居仁大學士申時行等仍請並祀三人其疏曰仰惟皇上重道崇儒德音屢下今該部覆議乃請獨祀布衣胡居仁臣等切以為未盡也彼詆訾守仁獻章謂各立門戶者必離經叛聖如老佛莊列而後可守仁言致知出于大學言良知本于孟子獻章言主靜沿于宋儒周敦

頤程顥皆祖述經訓羽翼聖真豈其自創一門戶耶事理浩繁茫無下手必于其中提示切要以啓關鑰宋儒曰仁曰敬亦各有主獨守仁獻章為有門戶哉其謂禪家宗旨者必外倫理遺世務而後可今孝友如獻章出處如獻章而謂之禪氣節如守仁文章如守仁功業如守仁而謂之禪可乎其謂無功聖門者豈必著述而後為功孔子刪述六經然曰子欲無言曰吾無行而不與二三子顏淵最稱好學然曰於吾言無所不悅曰退而省其私亦足以發夫聖賢於道有以身發明者比於以言發明其功尤大也其謂崇王則廢朱者不知道固互相發明並行不悖朱與陸辯盛氣相攻兩家弟子有如譬際今並祀學宮朱學不以陸廢今獨以王廢乎大抵近世儒者褒衣博帶以為容而究其實則往往病於拘曲而無所建樹博物溢聞以為學而究其實得性往徂於見聞而無所體驗習俗之沉痾又矣今誠祀守仁獻章一以明真儒之有用而不流於拘此一以明實學之自得而不專於見聞斯於聖化豈不有裨若居仁之純心篤行衆議所歸亦宜併祀我國家二百餘年理學名臣先後輩出不減宋朝至于從祀乃止薛瑄一人殊為闕典請益三賢以昭熙代文運

之隆是時議祀儒臣尚有陳真晟羅倫章懋黃仲昭吳
與弼鄒守益王艮七人廷議以祀典隆重如宋儒游酢
呂大臨謝良佐羅從彥李侗胡宏之倫
殆勝今儒而未能盡祀姑以俟諸他日

四十一年以宋儒羅從彥李侗從祀

福建提學僉事熊尚文疏請崇祀羅李侍讀學士何宗
彥等博議禮部覆疏曰謹按宋儒羅從彥者少鄙言語
文字之學長絕利祿仕進之心從游龜山之門有幾虛
一生之嘆信道敦篤築室羅浮山中端坐行吟克然自
得學者仰之如泰山北斗又按李侗語治道先崇廉耻
節義明學術嚴辯儒釋正邪受業豫章之門潛心顏子
之學默坐澄心看喜怒哀樂未發氣象體認天理表章
聖經先儒鄧迪稱其如冰壺秋月當時著述在羅則有
春秋解及指歸毛詩解中庸語孟說又遵堯錄入卷行
于世在李則有延平問答要說錄此皆緒接真傳有功
道統我
朝稱道術必曰孔孟必曰程朱然孔子倡道于洙泗有
曾子子思相繼發明而後孟子接其傳程氏倡道于伊
洛得羅豫章李延平相承衣鉢而後朱子衍其緒羅李

之功與曾子子思等宜將二賢列宋儒揚時之下人朝
崇祀從之 藻按羅李二儒位列龜山之下似也但元
晦受業於延平之門伯恭仲默亦皆後輩而位躡羅李
併躡龜山分義尚乖必須更定其王陳胡三公亦似但
以顯晦為序考其年次陳胡實
在王前議禮者抑未深考歟

配享從祀位次

兩廡位次重修會典及禮樂志諸
書所列參差不一此遵嘉靖祀典

四配

復聖顏子

東一位

回字子淵魯人漢元和二年祀享孔廟唐總章元年贈
太子少師開元二十七年加贈竟國公元至順二年加
竟國復聖公嘉靖九年鑿改今稱○宋太祖御製贊生
值衰周爵不及魯一簞藜藿隨巷環堵德冠四科名垂
千古及表萬邦遂封東土 高宗御製贊德行首科顯
冠學徒不遷不貳樂道以居食埃甚忠在陋自如宜稱
賢哉豈止不思 理宗御製贊學冠孔門德行科首聞
一知十若虛實有樂道簞瓢不易所守步趨聖人瞻若

其後 王旦贊賢哉子淵惟仁是好如愚屢空鄰
幾觀奧用行舍藏與聖同道封岱丁辰益茲榮號

宗聖曾子

西一位

參字子輿魯人唐總章元年追封太子少師太極元年
進太子太保開元二十七年封郕伯宋祥符進取丘侯
政和改武城侯咸淳三年進郕國公配享元至順二年
加宗聖公嘉靖中改今稱○宋高宗御製贊夫孝要道
用訓羣生以綱百聖以通神明因子侍師荅問成經事
親之實代爲儀刑 張齊賢贊孝乎惟孝曾子稱焉唐
虞比德洙泗推賢服膺授旨終身拳拳封巒飾贈永耀
青編 明陳鳳梧贊守約而博學恕以忠聖門之傳獨
得其宗一貫之旨三省之
功格物誠正萬世所宗

述聖子思子

東二位

伋字子思伯魚之子宋崇寧元年追封沂水侯咸寧三
年進沂國公配享元至順二年加述聖公嘉靖中改今
稱○宋理宗御製贊閑居請膺世業克昌可離非道
孜孜立行發揮中庸體固有常入德樞要治道權衡

亞聖子孟子

西二位

軻正義作字子輿漢書作子申鄒人宋元豐六年追封
鄒國公配享次顏子元至順二年加亞聖公嘉靖中改
今稱○宋理宗御製贊道術分裂諸子爲書既極而合
篤生真儒詆訶楊墨皇極是扶較功論德三聖之徒
十哲

先賢閔子

東一位

損字子騫魯人唐開元二十七年贈費侯宋大中祥符
二年加封郕公咸淳三年改封費國公其稱先賢某
子係嘉靖中釐改後同○宋高宗御製贊天經地義孝
哉閔騫父母兄弟莫間其言汙君不仕志氣軒軒復我
汶上出處休焉○王旦贊子騫達者閭閻成性德冠四
科孝先百行人無間言道亦幾聖公衆增封均乃天慶

先賢冉子

西一位

耕字伯牛魯人唐開元贈郕侯宋大中祥符加封東平
公咸淳改封鄆國公○宋高宗御製贊德以充性行以

潔身二事在躬日躋而新並驅賢科德顏與鄰不幸斯疾命也莫伸○王欽若贊聖門達者德行爲先洙泗來學顏閔差肩天封展禮公衮褒賢生則命寬歿而道宣先賢冉子 東二位

雍字仲方魯人唐開元贈薛侯宋大中祥符加封下邳公咸淳改薛國公○宋高宗御製贊懿德賢行有一則尊子也履之成性存存駢角有用犁牛莫論刑政之言惠施元元○王欽若贊不佞之仁具體之賢登彼堂與用之山川代逢偃革禮畢升禋錫之二壤賁茲九泉

先賢宰子 西二位

予字子我魯人唐開元贈齊侯宋大中祥符加封臨淄公咸淳改齊國公○宋高宗御製贊辯以飾詐言以致文苟弗執禮宜莫釋紛朽木糞牆置不足云言語之科燁然有聞○馮拯贊紳彼宰予服膺宣父學洞堂與名揚鄒魯再期設問五常垂矩遇我慶成增封茅土

先賢端木子 東三位

賜字子貢衛人唐開元贈黎侯宋大中祥符加封黎陽公咸淳改黎國公○宋高宗御製贊謙讓知二器實瑚璉動必幾先執兪其巖一使存魯五國有變終相其上譽處悠遠 馮拯贊服之望回獨云知二器稱瑚璉在禮斯賢服道禰師名垂萬世公爵尊崇時追肆野

先賢冉子 西三位

求字子有魯人唐開元贈徐侯宋大中祥符加封彭城公咸淳改封徐國公○宋高宗御製贊循良之要在於有政可使爲宰于室百乘師門育材治心扶性退則進之琢磨之柄 陳堯叟贊謙謙令德少著嘉聞敏於從政洽於斯文垂鴻報本道遇明君永錫徽稱載揚清芬

先賢仲子 東四位

由字子路史記卞人家語一字季路唐開元贈衛侯宋大中祥符改河內侯咸淳加衛國公○宋高宗御製贊升堂維先于乘惟權陵暴知非委質可賢折獄言簡結纓禮全惡言不耳仲尼賴焉 陳堯叟贊猗歟魯哲義

勇無儔獨立不懼從政惟優欽屬仁
聖勅封介丘褒賢進號載顯英猷

先賢言子

西四位

偃字子游吳人唐開元贈吳侯宋大中祥符加封丹陽
公咸淳改封吳國公○宋高宗御製贊道義正已文學
擅科為宰武城聊以絃歌割雞之試牛刀謂何前言戲
爾博約則多 趙安仁贊魯堂登科觀奧將聖武城之
小可以觀政澹臺之舉行不
由徑追建上公素風逾盛

先賢卜子

東五位

尚字子夏衛人唐開元贈魏侯宋大中祥符加封河東
公咸淳改封衛國公○宋高宗御製贊文學之目名重
一時為君子儒作魏侯師不可後禮始可言詩假益小
媿聖亦不疵 趙安仁贊詩動天地起予者商溫柔立
教文學升堂雅頌得所治亂
攸彰慶成加增其道彌芳

先賢顯孫子

西五位

師字子張陽城人唐開元贈陳伯宋大中祥符加封宛
丘侯咸淳改陳國公諱十哲○宋高宗御製贊念昔顯
孫商德與鄰學以干祿問以書紳參前倚衛忠信是遠
色取行違作戒後人 張齊賢贊堂堂張也商德與鄰
尊賢容衆崇德依仁入憲內史
退而書紳升中優贈道與名新

東廡

四十九位內先賢二十六位

先賢澹臺子

一位

臧明字子羽武城人唐開元贈江伯宋大中祥符加封
金鄉侯○宋高宗御製贊惟子有道天與異容狀雖云
惡德則其豐南止江沈學者雲從取士自茲貌或非公
○溢仲舒贊不曰徑行其真可資不私見人其公可畏
擊蛟旣勇毀壁匪義
紀號益封旌厥賢士

先賢原子

二位

憲字子思宋人檀弓作仲憲唐追封原伯宋大中祥符
加封任城侯○宋高宗御製贊執彼窮閭達士所賓邦

無道穀進退就倫敝衣非病無財乃貧賜雖不憚清節
照人向敏中贊賢哉子思介然清淨貧惟固學道乃
非病衣冠志敝草澤遂
性升中進秩垂芳尤盛

先賢南宮子

三位

迺字子容魯人史記作南宮括家語作南宮韜一作緇
唐追封郊伯宋大中祥符加龔丘侯政和改封汝陽侯
○宋高宗御製贊先覺既位簪履並馳尚德君子爾乃
兼之昇冢可漸禹稷可師三復此道載觀白圭 冠隼
贊南容君子尚德聖門有道不廢危行遜言
白圭三復執慎思存慶成旌善作壤佳蒲

先賢商子

四位

瞿字子木魯人唐追封蒙伯宋大中祥符加封須昌侯
○宋高宗御製贊易之為書彌綸天地五十乃學師則
有是子能授受洗心傳世知幾其神宜被厥祀 晁迥
贊易之為書窮理盡性瞿也親受抗心希聖韋編靡釋
素風允兢展禮
封侯千載輝映

先賢漆雕子

五位

開家語字子若蔡人史記漆彫開字子開魯人唐追封
滕伯宋大中祥符加封平輿侯○宋高宗御製贊仕進
之道要在充習具臣不居咎欲誰執斯未能信謙以有
立闕里說之多士莫及 李宗諤贊闕里之堂逸矣難
造荷歟子若實都其與學優當仕
非乃攸好明祀益封式稽古道

先賢司馬子

六位

耕字伯牛宋人家語作司馬黎耕與史記俱字子牛唐
贈向伯宋大中祥符加封楚丘侯政和改封睢陽侯○
宋高宗御製贊手足甚親志異出處魁將為亂子乃脫
去在污能潔危而有慮內省若斯何憂何懼 楊億贊
仁遠乎哉其言也詔虛往實歸馳思旁訊
遠難迷邦奚虞梅吝疏爵丁辰寵名以峻

先賢有子

七位

若史記字子若魯人家語作子有唐追封卞伯宋大中
祥符加封平陰侯○宋高宗御製贊人稟秀德氣貌或

同而于儼然溫溫其容兩端發問
未答幾鋒以禮節和斯言可宗

先賢巫馬子 八位

家語期字子期陳人史記作巫馬施字子旗鄭玄云
人唐封節伯宋大中祥符加封東阿侯○宋高宗御製
贊天清日明密雲曷有師命持蓋子亦善叩惟夫子博
三才允究學者之樂所得遂茂 趙呂言贊英英子施
受天和氣名登魯堂位沈周季猶勤
戴星鹿民為治讓德進封垂芳永世

先賢顏子 九位

家語辛字子柳魯人史記作顏幸唐追封蕭伯宋大中
祥符加封陽毅侯○宋高宗御製贊就封於蕭實惟子
仰風飭俗言克遵善誘明德斯馨賢業所就以侑於儒
傳芳逾茂 周起賢論封雲嶺詔驛魯堂顯允君子令
儀有章英槩如抱德音不
忘橫亘千古淳風載現

先賢曹子 十位

卹字子循蔡人唐贈曹伯宋大中祥符加封上蔡侯○
宋高宗御製贊蕭蕭曹伯王室之裔積習樂道切嗟明
義惟善則主爾德是類史筆有煥令名永紀 楊紳贊
三千孔徒七十賢者子循服道聖門之下笙簧經籍輔
翼儒雅爵為蔡
侯名器匪假

先賢公孫子 十二位

龍史記字子石鄭云楚人孟云趙人家語作公孫寵衛
人唐贈黃伯宋大中祥符加封枝江侯○宋高宗御製
贊黃伯著祀公孫是云藏緝中道協輔斯文藏修方異
漸漬其勤史詞不忘播為清芬 王曾贊子石鉅賢探
微博台稟粹荆衡從師鄒魯令聞不
已儀刑斯觀展義疏封遂侯故士

先賢秦子 十二位

商史記字子丕家語字丕茲魯人左作不慈鄭云楚人
一云秦人唐贈上洛伯宋大中祥符加封馬翊侯○宋
高宗御製贊孔父秦父相尚以力俱生賢嗣相與
以德是父是子致詰疇克會弁儒林令名無極

臺灣國家圖書館 NATIONAL CENTRAL LIBRARY, TAIWAN, R.O.C.

先賢顏子 十三位

史記高字子驕家語作顏刻魯人唐追封瑯琊伯宋大中祥符加封雷澤侯○宋高宗御製贊瑯琊之伯其惟子驕微言既彰德音孔昭已觀粵舞同聽齊韶歷千百禩跋思高標 戚綸贊魯國諸生顏氏為盛達者升堂是以希聖龍章載加侯服輝映名著遺編人師往行

先賢穰駟子 十四位

赤家語字子從史記作穰駟赤字子徒鄭云秦人唐封北微伯宋大中祥符加封上邽侯○宋高宗御製贊式是穰伯昭乎聖徒執經請益載道苦無詩書規矩問學措模得時而駕領袖諸儒 陳彭年贊穰駟信而好古趨駕咸秦振衣鄒魯言必成文動不踰矩成禮介丘追榮社士

先賢石作子 十五位

史記蜀字子明家語作石字子蜀秦人唐贈郿邑伯宋大中祥符加封成紀侯○宋高宗御製贊在昔石邑能知

所遵懋依有德克述無言故篋罷市揚名里門此道又視彼美長存 陳克皆宣尼日月無得而踰粵有哲士常為學徒登封偶聖至德崇儒以地進爵斯文迺殊

先賢公夏子 十六位

守字子乘史記作公夏首字棄鄭云魯人唐贈亢父伯宋大觀四年加封鉅平侯○聖門人物志贊洙水汪濊吸者滿腹子乘容之雅言攸服學以適道弗離其樸庶幾斯文令終有俶

先賢后子 十七位

史記后處字子里齊人家語作石處字里之唐贈營丘伯宋大觀加封膠東侯○宋高宗御製贊温温子入聞至聖履道之華秉德之柄深造闢成不垂言行全齊之封竹素榮盛

先賢奚容子 十八位

藏家語字子偕史記字子偕古史字偕文翁圖魯人正義衛人唐贈下邳伯宋大中祥符加封濟陽侯○宋高

宗御製贊雍容子哲已望堂室勿則有造成則祖述文
采日化儒效力弱永觀厥成德音秩秩 楊紳贊雍容
子哲服勤儒墨闕里橫經魯堂師德昔
從游聘今逢檢勒皇賜信圭洙泗改色

先賢顏子 十九位

史記祖字襄家語作顏相又作粗字子襄魯人唐贈臨
邑伯宋大觀加封富陽侯○聖門志贊武公崇基魯國
益昌追跡好學熙有子襄探廣索
隱識微知彰闕里茂才松檜蒼蒼

先賢句井子 二十位

家語句井疆字子疆闕里志字野山東志字子孟史記
作句井正義作鉤井鄭云衛人唐贈淇陽伯宋大觀加
封滏陽侯○宋查道贊衛之君子達者比肩服勤鼓篋
學慕韋編升中覃慶儒術攸先徹侯疏爵闕里之賢

先賢秦子 二十一位

祖字子南魯人鄭云秦人唐贈少梁伯宋大中祥符加
封鄆城侯○宋高宗御製贊秦有子南贊聖述作守道

之淵成德之博範若鑄金契
猶發藥歷世明祀少梁龍爵

先賢公祖子 二十二位

史記句茲字子之家語作公祖茲魯人唐贈期思伯宋
大中祥符加封卽墨侯○宋高宗御製贊惟彼子之錫
伯期思與賢並進得聖而師彬彬雅道翼翼令儀一日
至焉廟食不隳 梅詢贊子之生嘗從師尼父恂恂闕
里峩峩章甫非聖勿言惟道
是與千古而下俾侯齊土

先賢縣子 二十三位

史記縣成字子祺家語作懸成字子橫魯人唐贈鉅野
伯宋大中祥符加封武城侯○宋高宗御製贊至聖立
教子祺安雅擅譽魯邦啓祚鉅野煒矣風猷時哉用捨
出倫離類後學是假 石中立贊異能之士孔徒實繁
悅服至德祖述徽言富稟天爵
游乎聖門追崇之典胙以侯藩

先賢燕子 二十四位

級字子思史記作伋字思秦人唐贈漁陽伯宋大中祥符加封沂源侯○宋高宗御製贊師席高振大成是集至道克傳賢達斯執善教云衰儒風可立漁陽之士得鼓而及陳知微贊八九之徒俱傳大義賢哉子思道本無媿鍾靈咸鎬浴德洙泗增封沂源皇澤斯被

先賢顏子 二十五位

之僕家語字子叔魯人史記字叔唐贈東武伯宋大中祥符加封宛句侯○宋高宗御製贊賢行顏叔親承尼父志銳所期道尊是輔泥在釣陶木統規矩終縻好爵揚名東武崔遵度贊洙水悠悠子叔優優及肩等賜升堂並由元后時邁禮成介丘旌此達者爵為列侯

先賢樂子 二十六位

欽史記字子聲正義魯人家語作樂欣秦人唐贈昌平伯宋大中祥符加封建成侯○宋高宗御製贊樂氏子聲錫爵昌平信道之篤見善乃明引領高節載微思誠先賢聿集出為時英

先賢狄子 二十七位

黑家語字哲之一作子哲史記字哲衛人唐贈臨濟伯宋大中祥符加封林慮侯○宋高宗御製贊仰止狄哲抱負淵通游泳德化揚厲素風偉識既異持教乃隆厥志茂焉悲祀無窮姜嶼贊矯矯子哲來學有依依仁游藝攝齊升堂羽儀先聖物色上庠沐憲錫壤百世之光

先賢子蔑子 二十八位

忠子蔑其字史記孔子兄孟皮之子家語作孔弗唐贈汶陽伯宋大中祥符加封鄆城侯○宋高宗御製贊惟子挺生道德之門佩服至論鯉則弟昆三得三六所問殊溫君子歸宓義不掩恩陳謚贊賢哉先生聖口夫子道資希聖口斯行已闕里服膺國庠從祀載享侯封式昭德美

先賢公西子 二十九位

歲字子尚史記作子上魯人唐贈祝阿伯宋大中祥符加封徐城侯○宋高宗御製贊猗爾子尚魯邦之望以

德則賢惟道是唱師聰師明友直友諒伯於祝阿儒風
斯暢 劉筠贊魯多學者服勤遊聖祝羸惟肖歲也成
性温有餘裕是亦為政
追侯於徐用均天慶

先賢施子

三十位

之常字子常史記字子恒魯人唐贈乘氏伯宋大中祥
符加封臨濮侯○宋高宗御製贊開國乘氏有德斯彰
參藉百行贊理三綱自振行間策名甚光在史藹藹歷
久彌芳 王隨贊懿彼施常學深儒雅魯國上賢孔堂
達者跡晦名彰德高言
寡封侯是邦昭錫純嘏

先賢秦子

三十一位

非字子之魯人唐贈汧陽伯宋大中祥符加封華亭侯
○宋高宗御製贊樂善哲士伯於汧陽傳道克正垂名
允臧執德以弘用心必剛哀廣業履式贊素王 王隨
贊七十之賢皆傳聖道彼美子之學疎堂奧珍席主璋
儒宮黼藻列爵
華亭令名長保

先賢申子

三十二位

根見論語鄭云卽申續史記申黨字周家語申續字子
周文翁圖作申堂後漢王政碑有羔羊之節無申黨之
欲史記以黨為黨家語以續為續皆傳寫之誤固知申
根申黨總是一人唐贈根為魯伯又贈黨邵陵伯宋大
中祥符加封根文登侯黨又加淄川侯○宋高宗御製
贊剛毅近仁志操莫渝性匪祝鮀面豈子都有一於此
剛名可圖云慾則柔蓋生之徒 張智贊洙泗之秀橫
經魯堂名亞十哲道尊五常時巡駐驂闕里增光封侯
錫命□
□□□

先賢顏子

三十三位

喻字子聲魯人唐贈朱虛伯宋大中祥符加封濟陰侯
○宋高宗御製贊褒錫朱虛在器輪輿儒室振領聖門
曳裾賢業得蘊美才以攄百世不刊載觀成書 張象
中贊回也庶幾諸賢近之洙泗受業汶上從師輔翊儒
道經營德基俾侯
於濟君子攸宜

先儒穀梁子

三十四位

赤字元始魯人尸子曰名傲顏師古曰名喜作春秋傳唐貞觀中從祀宋大中祥符追封襲丘伯政和改維陽伯嘉靖中登改稱先儒後同○宋理宗贊仲尼作經獲麟絕筆赤也發揮與義斯出立學名家道隆聖日列爵疏封式崇儒術

先儒高堂子

三十五位

生魯郡人索隱曰字伯傳儀禮十七篇后蒼戴慶等明其業唐貞觀從祀宋大中祥符追封萊蕪伯○宋周起贊泰曆告窮炎靈啓祚篤生令人允貞王度名教斯宗禮文有素勒封告成式昭餘裕

先儒毛子

三十六位

葦趙人漢河間獻王博士大毛公享之子受詩號小毛公著毛詩故訓二十卷詩傳十卷馬融賈逵鄭康成皆宗之孔穎達為之傳唐貞觀從祀宋大中祥符追封樂壽伯○宋王曾贊孔徒受業商也言詩研精詰訓誰其

嗣之毛公典學永代師資疏封錫命禮治禎期

先儒后子

三十七位

蒼字近君東海剡人漢宣帝博士從孟卿受禮說禮數萬言號后氏曲臺記授閩人通漢慶普戴聖又事夏侯始昌通齊詩著齊詩故訓二十卷詩傳三十九卷授翼奉匡衡蕭望之傳師丹伏理嘉靖九年從祀○聖門志贊東海通儒孟氏高弟淹中古文獨詮其秘三家傳業曲臺揚厲禮教珍崇袁然博士

先儒杜子

三十八位

子春東漢河南人受周禮於劉歆傳鄭眾賈逵又明連山歸藏易唐貞觀從祀宋大中祥符加封緄氏伯○宋查道贊三川二室其靈所鍾學窮周制譽藹經宗杏壇闕里差可比蹤一伯慶我天封聖門志贊河間獻書周官殺青藏窮姬制譽藹漢廷十尚存鴈行伏生

先儒韓子

三十九位

愈字退之唐修武人諫憲宗迎佛骨所著有原道原性師說諸篇及文集四十卷終吏部侍郎贈禮部尚書謚文宋元豐七年從祀追封昌黎伯○聖門志贊倡始斯文不膠於物馳騫揚馬并包莊屈富澤孔周軼排老釋因文見道
斗山蔚蔚

先儒程子 四十位

顯字伯淳河南洛陽人宋宗正丞其學得之周惇頤傳楊時諸子所著有定性書語錄學者稱明道先生嘉定謚純淳祐追封河南伯從祀元至順加封豫國公○宋朱熹贊揚休山立玉質金聲元氣之會渾然天成瑞日祥雲和風甘雨龍德正中厥施斯普

先儒邵子 四十一位

雍字堯夫其先范陽人徙河南受學李之才定易卦圖象著皇極經世觀物內外編漁樵問對擊壤集舉遺逸不出贈秘書省著作郎元祐中賜謚康節咸淳從祀追封新安伯○宋朱熹贊天杞人豪英邁蓋世駕風鞭霆

歷覽無際手探月窟足躡天根閑中今古靜裏乾坤

先儒司馬子 四十二位

光字君實陝州夏縣人宋端明殿大學士左僕射奉詔編資治通鑑三百二十四卷所著有文集八十卷及稽古錄歷年圖考異通曆易說繫辭又有古文孝經注老子道德論注大元經注大學中庸義楊子注文中文子傳河外詒日書儀家範讀詩話醫問諸書封溫國公謚文正咸淳從祀○宋朱熹贊篤學力行清修苦節有德有言有功有烈紳衣大帶張拱徐趨遺像凜然可肅薄夫

先儒胡子 四十三位

安國字康侯崇安人宋寶文直學士著春秋傳三十卷文集十五卷資治通鑑舉要補遺百卷學者稱武夷先生謚文定正統元年從祀成化二年追封建寧伯○聖門志贊道傳伊洛志奮春秋綱常羽翼名利蟬蛻左氏同源公毅共流並列學宮多士薪樵

先儒楊子

四十四位

時字中立將樂人二程門人宋工部侍郎兼侍讀謚文靖學於二程世稱龜山先生胡宏羅從彥皆其門人所著有三經義解及龜山集行世弘治八年追封將樂伯從祀○聖門志贊英姿夷曠雅志踈踈坐春且酣立雪彌慙憂國計謨繕性實學吾道南矣龜山岳岳

先儒李子

四十五位

侗字愿中劍浦人學於羅從彥隱居不仕朱熹受其業為述延平問答及要說行世學者稱延平先生謚文靖元至正議從祀成化中以配享延平揚時同萬曆四十二年從祀○李之藻贊學契聖宗靜觀未發有真樞柄為世先覺充養自然皆有成法秋月水壺性天灑落

先儒張子

四十六位

栻字敬夫緜竹人宋秘閣修撰知江陵府學於胡宏所著有論語說書詩孟子解太極圖說經世編年諸書學

者稱南軒先生嘉泰謚宣景定二年從祀追封華陽伯○聖門志贊秉靈自天式毅於文學嚴義利才苞文武仕道匡世摠忠酬主玉壘錦江共公不朽

先儒陸子

四十七位

九淵字子靜金谿人宋知荆門軍其學主於尊德性別理欲明王伯有易提綱諸經雜說及語錄行世學者稱象山先生嘉定謚文安門人之最著者楊簡袁燾舒璘沈煥嘉靖九年從祀○宋包揚贊辭莫蝕真會當一正刻百家為藥千古病發人本心全人性命一洗佛老的傳鄉誼

先儒許子

四十八位

衡字仲平元河內人從姚樞竇默聞程朱之學仕元中嘗右丞贈司徒謚文正封魏國公學者稱魯齋先生皇慶二年從祀○宋濂贊濂洛之學傳自武夷重輝疊照日星昭垂逮我許公尊聞行知若親樞衣寒泉之屢張皇幽渺鑿析毫絲如臯陶淑問畢其情辭如后羿注矢不失其馳既入闡域遂升堂基橫經胃藍衿佩鏘如祛

其人私誦其天彙釋其偏岐挽其九衢德成材達昭用於時翻轍帝治甄陶泰熙明體適用公實庶幾無德弗報四海祝尸嗚呼許公百世之師

先儒胡子

四十九位

居仁字叔心餘干人國朝布衣受學吳與弼世稱敬齋先生所著有居業錄敬齋集萬曆十二年從祀補註文敬○聖門志贊翼翼叔心絕俗高蹈學則為已治則王道泌之洋洋從吾所好青青子衿是則是效

右東廡前朝之祀凡五十三位共十三壇今四十九位

分十六壇舊有顏何荀況劉向王肅杜預今黜其鄭衆

盧植服虔改祀於鄉魯黜孔鯉改入啓聖祠從祀凡損

十人增杜子春胡安國楊時李侗陸九淵胡居仁六人

西廡

四十八位內先賢二十九位

先賢宓子

一位

不齊字子賤魯人唐開元贈單父伯宋大中祥符進侯○宋高宗御製贊君子若人單父之政引用竊君放魚稟令傳郭勿獲遂能制命百代理邑用規觀政温仲舒贊天生良材為魯君子堂上琴作邑中民治伍人致逆受教成美展禮崇賢疏封有碑

先賢公冶子

二位

長字子長史記齊人索隱曰家語云魯人名萇范甯云字子芝唐開元退封莒伯宋大中祥符加封高密侯○宋高宗御製贊子長宏度高出倫輩雖在縲紲知非其罪純德備行夫子所采以子妻之尤知英傑贊德行貞純公冶執倫本非其罪枉拘厥身魯堂推善孔門配姻俾侯之貴久而彌新

先賢公析子

三位

一 哀字季沉齊人史記作公皙哀字季次索隱云一作公析克唐追封邠伯宋大中祥符加封北海侯○宋高宗

御製贊周衰偽隆政在羣公廉耻道微家臣事崇不爲
屈節樛默自容子於是時凜然清風 寇準贊賢哉季
次履潔居貞卷懷不仕家臣自輕素王
攸歎式昭令名封巒均慶侯祉疏榮

先賢高子 四位

柴字子羔史記衛人家語齊人高氏別族唐追封共伯
宋大中祥符加封其城侯○宋高宗御製贊婉彼子羔
受業先聖宗廟之間一出乎正克篤於孝非愚乃令師
知其生有輝賢行 是迥贊猗歟子羔孝心篤矣慎終
街恤未嘗見尚難能而能君
子知已考古褒崇於斯爲美

先賢樊子 五位

須字子遲家語魯人鄭云齊人唐追封樊伯宋大中祥
符加封蓋都侯○宋高宗御製贊養才以道聖人兼濟
始謂非仁問辯良言宜志農圃以睽仁義學隊之難豈
姑舍是 楊德贊學優乃仕齒于家陪戎車爲右誓衆
驍回贊純精問仁習解
該建侯追崇 俗方來

先賢公西子 六位

赤字子華魯人唐追封郟伯宋大中祥符加封鉅野侯
○宋高宗御製贊學者行道厥緼亦稱使齊光華偶爲
肥輕周急之言君子所令答問允嚴理著先經 王嗣
崇贊翊聖賢者徂徠之英謙言小相終成大名立朝儒
雅出使光榮佐佑
禮法諸侯作程

先賢梁子 七位

鱸史記註云一作鯉字叔魚家語齊人唐追封梁伯宋
大中祥符加封千乘侯○宋高宗御製贊室家壯年無
子則遂見於信史全齊之俗原本厥初師言可復以學
則知揆之宜篤 周起贊玄聖舊邦森然精爽於惟子
魚式瞻遺像紀號停鑾侯封
錫壤儒道有光百王所仰

先賢冉子 八位

孺史記字子魯一作曾家語作冉儒魯人字子魚唐追
封紀伯宋大中祥符加封臨沂侯○宋高宗御製贊紀

臺灣國家圖書館 NATIONAL CENTRAL LIBRARY TAIWAN R.O.C.

伯子魯聖學是務勵已斯約好問乃裕周旋中規容止
可度允矣昔賢後世所慕 李維贊聖人之道一以貫
之允矣子魯堂奧斯窺惟帝登岱
克陳上儀追封侯社沂水之湄

先賢伯子 九位

虔家語字楷一作子析史記字子析魯人唐追封聊伯
宋大中祥符加封沐陽侯○宋高宗御製贊有懷子折
全魯之彥儒行既名聊伯乃建兢兢受道奕奕我弁懿
選嘉封世享馨薦 王魯贊肅肅魯堂先從闕里伯氏
達者克肖夫子運偶慶成禮
崇追美後學式瞻高山仰止

先賢冉子 十位

季字子產魯人唐追封東平伯宋大中祥符加封諸城
侯○宋高宗御製贊東平子產姓著盛時奉師於塾講
道之微答問甚敏淵妙以思升降陛廉尚想英姿 李
維贊冉子挺生鍾是純粹游聖之門切磨道義時邁升
中禮成肆類錫壤
諸城式昭遺懿

先賢漆雕子 十一位

史記咭字子歛鄭云魯人家語作漆雕後唐追封武城
伯宋大中祥符加封濮陽侯○宋高宗御製贊漆雕受
封爰居武城壘壘其開翩翩其英樞衣時習願學而明
誕敷孔教爵里疏榮 成綸贊闕里稱賢咭也其一學
以適道名參入室昔為達者今
逢聖日俾侯濮陽府茲籠秩

先賢漆雕子 十二位

史記徒父家語作漆雕從字子文高宗贊作子期魯人
唐追封須句伯宋大中祥符加封高苑侯○宋高宗御
製贊遐思子斯揆策聖惟涉道是嗜微爵可縻在德既
賢在名乃垂洋洋之風逮今四馳 陳彭年贊受教聖
人服勤墳籍如彼時術故能日益元封
慶成介圭近錫圖形繪素鏤美金石

先賢商子 十三位

澤家語作字子秀史記作子季魯人唐追封睢陽伯宋
大中祥符加封鄒平侯○宋高宗御製贊邈矣子季睢

臺灣國家圖書館 NATIONAL CENTRAL LIBRARY TAIWAN R.O.C.

陽是伯屏息受業延教登席未踐四科固涉六籍祀典
載之好是正直刁衍贊子季從師服膺儒雅闕里垂
名同於達者昔寵駐陽今旌
鄒野運偶登封薦臻純嘏

先賢任子 十四位

不齊家語字子選史記字選楚人唐追封任城伯宋大
中祥符加封當陽侯○宋高宗御製贊任城建伯其表
曰選淑問雅馳才華清遠競辰力行愛日黽勉孔教崇
崇令緒顯顯陳充贊荆山誕粹賢生其中服膺數仍
誠明感通地邇長坂爵加
素風虔遵祀典列在儒宮

先賢公良子 十五位

需字子正史記作需張智贊稱子幼陳人唐追封東牟
伯宋大觀加封牟平侯○宋張智贊子幼真賢從師尼
父服膺大猷希跡好古詩書菑畬
仁義干櫓匡蒲之役展也孔武

先賢公肩子 十六位

家語公肩定字子仲史記作公堅定字子中文翁圖亦
作子中鄭云魯人或曰晉人唐追封新田伯宋大觀加
封梁父侯○聖門志俸及門受業率稱并能子中樂道
左準右繩賜賚可跋由堂同升致志景迹外彪中翔

先賢鄒子 十七位

史記鄒單字子家徐廣曰一云鄒單唐追封銅鞮伯宋
大觀加封聊城侯按史記有鄒單無懸臧家語有懸臧
無鄒單疑卽一人以姓名相近而誤也其字則史記曰
子家家語曰子象字亦相類何孟春以爲宜補贈懸臧
爵號列諸從祀張朝瑞以爲宜從家語祀懸臧而罷鄒
單存其說以候考臧一作豐○聖門志贊子家學孔容
與不惑思以誠凝行將道翼涉彼玄
津馳於聖域遠哉偉器惟陶斯埴

先賢罕父子 十八位

史記罕父黑字子索家語作宰父黑字索一字子黑魯
人唐追封乘丘伯宋大觀加封祈鄉侯 按氏族畧懸
罕父氏止有宰父氏其注云孔子弟子有宰父黑則宜
從家語稱宰父子○聖門志贊懿彼名胄因官爲姓敬

以東行銳然希聖四教不騫六
純惟競庶幾達者有道就正

先賢榮子 十九位

史記旂字子祺家語作祈魯人唐追封零婁伯宋大中
祥符加封厭次侯○宋高宗御製贊伯茲零婁務學實
著二千之徒七十是預匪善莫行惟德乃據紀於前書
式彰厥譽 梅詢贊聖人之門學者先先彼美子祺行
修志淳異精茲害微言服
勤格於我宋侯封是新

先賢左人子 二十位

史記左人郢字行家語作左郢字子行魯人唐追封臨
淄伯宋大中祥符加封南華侯○宋高宗御製贊伯彼
臨淄左行稱賢踰躡十哲秀穎三千心
悅誠服家至戶傳樂以君子文聲益宣

先賢鄭子 二十一位

史記鄭國字子徒正義曰家語薛邦字徒史記避高祖
諱薛字與鄭字誤也然則當稱先賢薛子矣今亦敢禮

改也魯人唐追封榮陽伯宋大中祥符加封潤山侯○
宋高宗御製贊伯夫榮陽實惟令德優入聖門過不留
跡道以目傳妙則心識何歟偉歟後代之則 陳知微
贊懿彼子徒挺生闕甲日遊聖門躬授微旨德音孔昭
令聞不已疏爵
胸山式旌遺美

先賢原子 二十二位

亢字子抗見闕里志家語作原桃字子籍文翁圖字籍
史記作原亢籍正義亢作亢魯人唐追封萊蕪伯宋大
中祥符加封樂平侯○聖門志贊不學將落聞道貴早
斯人穎異動輒有造身遊馨渚志契闡奧名誰與偕洋
道 洋聖

先賢廉子 二十三位

繁史記字庸家語字子庸一作子曹鄭云衛人唐追封
莒父伯宋大觀加封胙城侯○宋高宗御製贊兄弟之
邦士有廉庸涵泳素教表揭儒宗杏壇
探蹟沫酒從容作與一疇莒父共封

先賢叔仲子 二十四位

會字子期文翁圖作噲家語魯人鄭云晉人唐追封瑕丘伯宋大中祥符加封博平侯○宋高宗御製贊收丘祚邑子期是為親訓有日廣業於時四教允隆五常以持比有傑俊聞望斯世 劉錯贊斯文有宗吾道不窮執筆送侍惟賢比崇少成習貫 函丈順風東巡駐驛霏澤儒宮

先賢邾子 二十五位

史記邾異字子欽家語作邾選文翁圖作國選蓋亦避漢諱當稱曰先賢邾子然未敢擅改也魯人唐追封平陸伯宋大中祥符加封高唐侯○宋高宗御製贊彼美邾子先聖是承墻仞已及堂陸將升良玉斯琢寒水必冰錫壤子陸茂實騫騰 陳懿贊展矣子欽孔門高弟模範將聖博約六藝斯謂達者顯於當世追封列侯流芳永裔

先賢公西赤 二十六位

公西與字子上魯人家語及子由古史皆同史記作公西與如唐追封重丘伯宋大觀加封臨朐侯○宋范曄贊鍾美齊疆從師魯國展矣斯人道臻聖域禮墨金繩慶敷文德薦享侯封永光廟食

先賢陳子 二十七位

丘字子亢一字子禽陳人唐追封頓伯宋大中祥符加封南頓侯○宋高宗御製贊維禽之問從容其鯉求以異聞詩禮云爾請一得三誠退而喜且知將聖不私其子 趙昌言贊於美子禽伏膺尼父問一得三番訓千古名由實實德以位序 通屬封密爵封介士

先賢琴子 二十八位

宰家語字子開一字張文翁圖一字子張衛人唐追封南陵伯宋大中祥符進封頓丘侯政和改封陽平侯○宋高宗御製贊多能鄙事聖人曲意惟其知之是以不試宗魯雖友弔必以義尚師嘉言祀亦同替 宋綬贊反魯之始從師去里不仕故藝善言倣範 非義罷弔崇仁為美銘嶽益封用旌君君子

先賢步叔子 二十九位

乘字子車齊人唐追封淳于伯宋大中祥符加封博昌侯○宋高宗御製贊勉勉子車封邑淳于親炙避席雅諾趨隅發微既博雅道是扶抑可尚也不亦美乎張象中贊聖人之門子車服勤學以時習道宜且新數仍爰處函丈是親追封遺烈旌美儒臣

先儒左丘子 三十位

明魯人傳春秋杜預以為受經於仲尼唐貞觀從祀宋大中祥符贈殿丘伯政和改中都伯嘉靖中隆改稱先儒後同○宋理宗御製贊贊綺數左氏聞道素王依經作傳徵旨引彰詞有餘韻人希末光慶封錫壤廣魯之疆

先儒公羊子 三十一位

高齊人傳春秋或云子夏門人唐貞觀從祀宋大中祥符追封臨淄伯○宋是迥贊高也解經辯惑咸服學宮所傳齊名左穀追獎聲封衆心允屬調典彌縫斯文載解

先儒伏子 三十二位

勝字子賤鄒平人正義云即子賤之後為秦博士壁藏尚書至漢初傳龜錯後有大小夏侯之學唐貞觀從祀宋大中祥符追封乘氏伯○宋楊億贊伏生明經為秦博士祖習微言流雅考齒壁藏其文曰授厥音建號旌儒錫封仁里

先儒子國子 三十三位

安國字子國孔子十一世孫漢臨淮太守傳尚書古文校部尉朝又訓古文論語作孝經傳及集孔子家語唐貞觀從祀宋大中祥符追封曲阜伯○宋錢惟演贊顯顯臨淮聖人之系訓傳遺文克示永世繪像廟庭聿章善繼東巡受封是為褒異

先儒董子 三十四位

仲舒廣川人漢江都膠西王相其學推明孔氏抑黜百家所著有春秋繁露數十篇天人三策及上疏條教百

二十三篇元至順元年從祀後廢洪武二十九年封江
都伯從祀成化二年改封廣川伯○聖門志贊羸秦灰
燼交精始然奮業下帷志不窺園天人
方對江都遂遷一代醇儒世濟其賢

先儒王子 三十五位

通字仲淹龍門人隋文帝仁壽中遊長安奏太平策不
用隱居河汾累徵不就著禮論樂論各十卷續書二十
五卷續詩贊易各十卷元經十五卷中說十卷門人私
謚曰文中子嘉靖九年從祀○聖門志贊稟靈博達潛
心典策上太平教洽河汾憂麗皇
綱羽翼斯文房魏繩之有光龍門

先儒周子 三十六位

惇頤字茂叔道州營道人宋虞部郎中廣南東路提點
刑獄著太極圖通書二程受其學學者稱濂溪先生嘉
定謚元淳祐封汝南伯從祀元至順加封道國公○宋
朱熹贊道喪千載聖遠言湮不有先覺孰開我人書不
盡言圖不盡意風
月無邊庭草交翠

先儒歐陽子 三十七位

修字永叔廬陵人宋參知政事太子少師贈文國公謚
文忠所著易易童子問二卷詩本義十四卷唐本紀表
志七十五卷五代史七十四卷及文集雜著行世嘉靖
九年從祀○聖門志贊畫扶受學羅浮崇雅道契孟韓
文追班馬明黨有辨史筆
豈假龍圖元老命世長首

先儒張子 三十八位

載字子厚鄞人宋同知太常禮院著東西銘正蒙學者
稱橫渠先生嘉定謚明淳祐封郿伯從祀○宋朱熹贊
蚤脫絲吳晚述佛老勇徹臯此一變至道
精思力踐妙契疾書訂頑之訓示我廣居

先儒程子 三十九位

顥字正叔顯弟宋崇政殿說書著易傳春秋傳學者稱
伊川先生其門人著者有謝良佐游酢呂大臨大鈞尹
焯楊時嘉定謚正淳祐追封伊陽伯從祀元至順二年
加封洛國公○宋朱熹贊規圓矩方繩直準平允矣君

君子展也大成布帛之文菽粟之味知德者希孰識其貴

先儒胡子 四十位

瑗字翼之秦州海陵人宋太常博士天章閣侍讀謚文昭蘇湖學規為世所稱其遺書有胡氏口義學者稱安定先生嘉靖九年從祀○宋范仲淹贊天地儲精山川毓秀孔孟衣鉢蘇湖領袖道學正傳體用善誘雅飭化風澤流

先儒朱子 四十一位

熹字元晦婺源人學於李侗集諸儒大成所著有易本義啓蒙書卦考誤詩集傳論孟集註學庸章句或問太極圖通書西銘解楚辭集註辨證韓文考異所編次有論孟集義孟子指要中庸輯畧孝經刊誤通鑑綱目名臣言行錄家禮小學近思錄程氏遺書伊洛淵源儀禮通解其門人著者黃榦李燾劉燾張洽陳淳李方子黃顥輔廣蔡沈仕宋煥音閣待制嘉定謚文贈寶文直學寶慶贈太師信國公紹定改徽國淳祐從祀元至正改

封齊國公○元吳澄養義理玄微繭絲牛毛心跡開豁海澗天高豪傑之才聖賢之學景星慶雲泰山喬嶽

先儒呂子 四十二位

祖謙字伯恭婺州人宋南渡倡道東南所著有春秋博議讀詩紀易說書說圖經官箴諸志錄大事記宋朝文鑑世稱東萊先生任終著作郎嘉泰謚成嘉熙改謚忠亮景定二年追封開封伯從祀○聖門志贊敏才獻質博學宏詞秘璣千古詠絕四時朱張朋友稱洛我師中原文獻東浙蔡著

先儒蔡子 四十三位

沈字仲默建陽人元定次子學於晦庵隱居不仕所著有書傳及洪範皇極內篇世稱九峰先生正統元年從祀成化三年追封崇安伯謚文正○聖門志贊近述父師遠崇聖賢洪範衍數洛誥著篇探賾索隱發微鈎玄帝典王謨匪公誰企

先儒羅子 四十四位 依部文真此別有考定

從彥字仲素南劍州人受學於楊時任博羅主簿所著
有遵堯錄春秋解及指明毛詩解中庸語孟說學者稱
豫章先生淳熙七年謚文質萬曆四十二年從祀○李
之藻贊聞道汗浹不虛此生任重詰極恭思力行羅浮
高隱山斗並欽遵
堯有錄周孔之心

先儒真子

四十五位

德秀字景元更字希元浦城人宋參知政事謚文忠其
學宗朱子所著有大學衍義讀書記文章正宗唐書考
疑心政二經西山甲乙稿對越甲乙集經筵講義端平
廟議獻忠集江東放荒錄清源雜志星沙集志學者稱
西山先生正統元年從祀成化三年追封浦城伯○聖
門志贊玉立長身鍾鼎大器散齋詞翰沉潛仁義黨綱
既開善索復熾斯
文正宗千秋亦幟

先儒薛子

四十六位

瑄字德祖河津人國朝禮部侍郎兼閣學謚文清所
著有讀書錄河汾集學者稱敬軒先生隆慶五年從祀

○楊廉贊本朝理學實始于公求之于宋若濂溪翁誰
得其傳欲考無從復性之教最爲有功孔孟程朱平生
所宗讀書有錄無理不
窮大露天機器我顯蒙

先儒王子

四十七位

守仁字伯安餘姚人丘部尚書新建伯贈侯謚文成學
以致良知爲宗所著有傳習錄文成全集學者稱陽
明先生萬曆十二年從祀○聖門志贊曠扇龍場踐究
性術一脉良知千載先覺武巽溥戊學幟虔吉傳習有
訓斯文
穀率

先儒陳子

四十八位

獻章字公甫新會人聘授翰林檢討不就學者稱白沙
先生所著有白沙集萬曆十二年從祀○楊廉贊有評
象山吾嘗竊識儒以爲禪佛謂無是公學所期自得爲
至箋經著書非其所事平生議論詩以見意此卽語錄
無所隱秘克夫
法門懷卷遁世

右西廡前朝之祀凡五十三位共十三壇今四十八位
分十六壇舊有公伯寮秦冉戴聖賈逵馬融何休王弼
今俱黜而遷瑗林放鄭玄范甯及宣德間增祀之吳澄
俱改祀於鄉顏無繇改入啓聖祠配享又去申黨共損
十四人益董仲舒歐陽修胡瑗羅從彥呂祖謙真德秀
薛瑄王守仁陳獻章九人

家語衛將軍文子問於子貢曰吾聞孔子之施教也先
之以詩書導之以孝弟說之以仁義觀之以禮樂然後
成之以文德升堂入室者七十餘人其孰爲賢子貢曰
夫能夙興夜寐諷誦禮行不貳過稱言不苟是顏回

之行也在貧如客使其臣如借不遷怒不深怨不錄舊
罪是冉雍之行也不畏彊禦不侮矜寡其言循性材任
治戎是仲由之行也恭老卹幼不忘賓旅好學博藝省
物而勤是冉求之行也齊莊而能肅志通而好禮擯相
兩君之事篤而有節是公西赤之行也滿而不盈實而
若虛過之如不及其德敦其於人無所不信其驕人也
常以浩浩是曾參之行也美功不伐貴位不喜不侮不
佚不做無告是顓孫師之行也送迎必敬上交下接若
截焉是卜商之行也貴之不喜賤之不怒苟利於民矣
廉於行已是澹臺滅明之行也先成其慮及事而用之

故動則不忘是言偃之行也獨居思仁公言仁義其於
詩也一日三復白圭是南宮縚之行也自見孔子出入
於戶未嘗越履往來過之足不履影啓蟄不殺方長不
折執親之喪泣血三年未嘗見齒是高柴之行也又史
記今尹子西謂楚昭王曰王之使使諸侯有如子貢者
乎輔相有如顏回者乎將率有如子路者乎官尹有如
宰予者乎其他評騭大氏載在論語而其顯有年名事
跡者自遷史所紀三十五人而外亦不多見緣夫尼山
誕聖英哲颺從化雨春風鼓鑄自異諸皆出爲國華潛
爲士楷宮墻俎豆有其舉之庸可得而廢手又考孔叢

子載孔子四友顏回胥附端木賜奔輶顓孫師先後仲
由禦侮尸子云仲尼志意不立子路侍儀服不修公西
華侍禮不習子貢侍辭不辯宰我侍忘忽古今顏回侍
節小物冉伯牛侍則皆功資聖學所謂七十子鑄孔子
者殆非虛語而諸賢其尤爲表表者所以十哲之祀視
之兩廡稍存差別然而宰我冉有與夫補入子張之祀
世猶得而議焉南宋咸淳升躋顏子議者欲晉有若以
補十哲祭酒某獨持異議遂躋子張夫孔子歿子夏子
游子張欲事有若茲令張也升堂而迴視所欲北面之
有若乃在廡下於義或不安乎蔡氏清亦云然且謂晉

子張抑有若崇冉求未服萬世士人之心而鄭氏曉王氏世貞亦不滿於求我堂上之祀鄭謂宜晉有若及公西赤王謂宜晉有若及南宮适其言各有所據雖然十哲亦何爲者是乃陳蔡共難一時之目非聖門定評也聖門定評則家語子貢之論殆庶幾焉而開元君臣初不深考第祀所謂十哲旋附曾子位於十哲之次以與二十一賢並祀其餘弟子有繪無祀五代因之迨宋通祀諸賢於兩廡而十哲名目似可毋設乃復因仍舊貫堂廡區分晉哲於配晉廡於哲欲取盈於十人之數夫唐增曾子既已溢爲十一宋躋顏子何妨額儉九人要

之據禮祭詳哲廡不須強別並是千古師儒欽崇秩祀而後學更評優劣榮辱施之神其欲此否乎惟是弟子闕遺有可議者左傳昭公七年孟僖子屬說與何忌於夫子而學禮焉故孟懿子與南宮敬叔師事仲尼則何忌固弟子也論語注孺悲嘗學士喪禮於孔子是悲亦弟子無疑而家語懸竄張氏朝瑞謂卽史記之鄒單一字子家一字子象字亦相類宜從家語祀竄而去單理或宜然秦冉顏何以不見於家語故裁然顏齋之推真卿俱稱孔門顏氏有八若去顏何則繇回刻辛噲僕祖僅得七人不滿八人之數又史記載顏何字冉索隱注

引家語字稱此則家語原有顏何不當黜祀明也其秦冉顏何疑爲字畫相訛亦屬臆度不可爲據至於公孫尼子作樂記緇衣篇業已吐辭爲經而廡祀未暨是可不謂闕典乎哉又鄉飲禮有序黜公罔之裘與子路比肩揚觶或亦弟子之列併論語所載孟武伯林放孟子所述牧皮似皆及門之士而歷代封祀率未詳及其近世儒先屢議未決者在唐有孔穎達宋有范仲淹游酢謝良佐呂大臨胡宏魏了翁楊簡元有劉因金履祥國朝有陳真晟章懋羅倫曹端吳與弼羅洪先鄒守益湛若水王良大都尚需論定茲不具述又有謂諸葛亮

文天祥亦堪從祀者夫文山成仁取義不愧孔孟武侯澹泊寧靜學術無疵但於承先啓後之功未知何若而武侯輔蜀戎馬劬其於儒術表章曾不若黃初一詔猶知祀以此而觀侑祀孔庭恐其心尚有所未安也考定兩廡位次疏

藻按四配十哲兩廡其祀分爲三則似以道德爲之甲乙夫十哲之必賢於兩廡也非末學所敢深論矣至於同在兩廡考其次序固宜德同論世世同論齒然而亦不盡然史記所載有子少孔子十三歲蓋自顏路而下半年似最長乃在東第七位居其上者尚有十二人公孫子石少孔子

五十三歲年似最少乃在東第十一位居其下者尚有四十人此猶云史有年歲者僅三十五人其餘不可得而考也澹臺子羽東第一位少孔子三十九歲宓子賤西第一位少孔子四十九歲其年皆少次東二位原思西二位公冶長東三位南宮子縉西二位公哲哀史不載年姑置弗論至東四位商子木則少孔子二十九歲西四位高子羔則少孔子三十歲其年固皆長於第一人也而倒置乃爾此類甚多是又未盡論齒不審位次終奚據也如以爲據家語七十二子之序則家語首子羽次子羔子賤樊遲有子子華原思如以爲遵闕里志則其志首子羽次子賤南

宮公冶原思公哲如以爲循史記則自子羽至子開同者不過九人此後亦復更置且史記所載自子石以右三十五人顯有年名聞見於書傳者爲一列自冉子產以後不見書傳者四十二人又爲一列固未可據其先後卽以定諸賢之位次如謂稍以德業差序則尚論二千年以上載籍湮滅嘉言懿行大率無徵意自開元從祀之初原未加意考定亦不依據何書漫入祠令遂爾歷代相沿今則載之令典又經嘉靖重頌爲下不倍聞貴闕疑惟有肅遵裸將誰敢意爲更正但以兩廡會同校其朝代先後之槩則其序置舛錯終亦有不安於心者如公羊乃周末齊人而

居西二十一則躡東二十二之申棖伏勝秦人而居西三
十二則躡東三十三之顏增孔安國仕於漢武而在周末
魯哀公之前董仲舒亦仕武帝而在漢初高堂生之上文中
子鳴人也而躡毛萇周茂叔歐陽永叔皆宋儒也而周躡
石蒼歐躡杜子春是西漢降於隋宋矣橫渠又躡韓昌黎
是唐降于宋矣永叔爲安定作墓表稱爲先生而越居其
上者六位康侯生於熙寧距安定之卒十五年而禮樂志
改定位次安定之主反下康侯七位又永叔乃濂溪前輩
而濂溪之位會典先歐二位禮樂志先歐十一位君實亦
二程前輩而會典乃反遜程四位又伊川之越明道則以

第先兄元晦之越司馬則以南宋先汴宋薛敬軒生於洪
武而越宋寧時之陸子靜陽明生當嘉靖而越勝國之許
平仲近年躡祀羅仲素李愿中部議位次亦不深考漫云
列楊時下頓使朱元晦呂伯恭蔡仲默皆以後學躡踞其
上而朱則親受業于李者也其他稍稍倒置尚不具論今
諸先生在廟之靈幸或陟降而生則服膺其訓歿乃僭躡
其祀能晏然於此否耶大都議祀典者初旣鮮所考訂後
皆習於因循凡有移祀改祀革祀增祀第以原列東西兩
廡爲定東則躡東西則躡西曾不考世論年東西遞互升
祔故東廡二十八位之顏何黜卽以其次狄黑居之不復

移西二十八位之叔仲會以補其位西廡第六位之公伯
寮黜卽以其次樊遲居之不復移東七位之司馬牛以補
其位東廡之移祀改祀革祀者僅曾皙顏何荀況劉向鄭
衆盧植服虔王肅杜預九人而西廡則顏路蘧伯玉林放
秦冉申黨公伯寮戴聖賈逵馬融鄭玄何休王弼范甯吳
澄凡十四人多寡之數旣懸東西之列一定循次魚貫卽
古今世代之凌躐亦不復計蓋泥於殷周宗廟之制昭常
爲昭穆常爲穆不以南北遞遷以爲禮煩則亂遵古爲簡
不知諸儒從祀率皆隔世寥遠初無祖孫父子之親寧拘
昭穆卽以昭穆論明道伊川兄弟亦何不同昭同穆而東

西相望又復長幼易序吾不知於古禮有合否也古禮先
聖東嚮先師一位配之南嚮三獻官皆西嚮開元王祀孔
子始改其位南嚮而以顏子西嚮獻官序立東廡前行禮
至宋漸增孟子及曾子子思爲四配然而四配亦皆東坐
西向也朱子滄洲精舍釋奠儀亦然蓋西爲先聖舊位避
不敢居今四配東西對列非其舊矣禮時爲大則兩廡亦
以對列爲叙而尊卑從此定焉東西遞互遷躋復又何疑
今旣不可較量爵秩以傷尚德之雅又不敢軒輕德行以
恣月旦之評獨有論世論齒於義爲允秦漢隋唐其世可
考宋元以來譜傳更詳不揣稍爲校正以待將來誼存齒

學或亦可行惟七十二子之齒載籍舊多遺脫即載在家語史記者彼此亦有互異如子游子羽子羔樊遲各差十年有子差二十年叔魚差七年大抵難據自施子以上應姑仍舊但改祀黜祀者東西通融移補其東三十一位之秦非宜晉二十九位而以申顏次之以列秦漢諸儒之前其餘序列如左

兩廡對列考定位圖

東一位澹臺子成明

西一位宓子不齊

東二位原子憲

西二位公冶子長

東三位南宮子

適此下改祀一位曾點

西三位公析子

哀此下改祀一位顏無繇

東四位商子瞿

西四位高子紫此下點一位公伯寮

東五位漆雕子開

西五位高馬子耕

東六位樊子須

西六位有子若

東七位公西子赤

西七位巫馬子施

東八位梁子鱣

西八位顏子辛

東九位冉子孺

西九位曹子邴

東十位伯子虔

西十位公孫子寵

東十一位冉子季

西十一位秦子商

東十二位漆雕子哆

西十二位顏子高

東十三位漆雕子徒父

西十三位穰駟子赤

臺灣國家圖書館, NATIONAL CENTRAL LIBRARY, TAIWAN, R.O.C.

東十四位商子澤

西十四位石作子蜀

東十五位任子不齊

西十五位公夏子首

東十六位公良子儒

西十六位后子處

東十七位奚容子歲

西十七位公肩子定

東十八位顏子祖

西十八位鄆子單

東十九位勾井子疆

西十九位罕父子黑 此下 黜二位申黨 句茲

東二十位秦子祖

西二十位公祖子句茲

東二十一位榮子旂

西二十一位縣子成

東二十二位左入子郢

西二十二位燕子倭

東二十三位薛子邾

西二十三位顏子之僕

東二十四位原子亢

西二十四位樂子欬 此下黜位顏何

東二十五位廉子絜

西二十五位叔仲子會

東二十六位狄子黑

西二十六位邦子選

東二十七位子蔑子忠

西二十七位公西子與如此下改 祀二位遷環林放

東二十八位公西子歲

西二十八位施子之常

東二十九位秦子非

西二十九位陳子亢

東二十位申子張

西二十位琴子張

東二十一位顏子喻此下改祀位孔 鯉黜二位荀况

西二十一位步叔子乘以先賢傷仍 舊東西通不致蒙

東二十二位左丘子明此下位左更定 故改黜不乘注

西二十二位公羊子高

東二十三位穀梁子赤 以上周末

西二十三位伏子勝

臺灣國家圖書館, NATIONAL CENTRAL LIBRARY, TAIWAN, R.O.C.

東三十四位高堂子生西三十四位董子仲舒 漢景

東三十五位子國子安國西三十五位毛子以上武帝時人

東三十六位后子蒼 宣帝時人西三十六位杜子哀平至明帝時人

東三十七位王子通 隋人西三十七位韓子愈 唐

東三十八位胡子瑗 生宋太宗淳化癸巳西三十八位歐陽子修 生真宗景德末

東三十九位邵子雍 生大中祥符辛亥西三十九位周子惇 生天禧丁巳

東四十位司馬子光 生天禧巳未西四十位張子栻 生天禧庚申

東四十一位程子顥 生仁宗明道辛卯西四十一位程子頤 生明道癸酉

東四十二位楊子時 生皇祐癸巳西四十二位胡子安國 生神宗熙寧甲寅

東四十三位羅子從文 生元豐西四十三位李子侗 生哲宗元祐癸巳

東四十四位朱子熹 生高宗建炎庚戌西四十四位張子栻 生紹興乙卯

東四十五位呂子祖謙 生紹興丁巳西四十五位陸子九淵 生紹興巳未

東四十六位蔡子沈 生孝宗乾道壬午西四十六位真子德秀 生真宗咸平

東四十七位許子衡 生宋寧宗嘉泰西四十七位薛子瑄 生真宗明道武巳

東四十八位陳子獻章 生皇德戊申西四十八位胡子居仁 生皇德辛寅

東四十九位王子守仁 生成化壬辰

從祀先賢辯

仲尼弟子子貢擬於辯士貽亂齊霸越之譏宰我溺於闕止蒙作亂見誅之謗以彼誼存宗國忠衛其君乃受厚誣若此抑或者賜不受命予訛何誅聖人固豫卜其後而教

勅之若所擬於行行之由者乎然才辯所使義激之過固當異於中行觀過知仁不足深辯前人亦曾辯之其姓名承誤者以薛邦爲鄭國以邦選爲邦巽考之家語薛邦字徒邦選字子斂紀載甚明而司馬貞史記索隱亦爲之辯曰漢人諱邦爲國也又曰文翁圖作國選亦避諱也以字繹之訛薛爲鄭緣以左自作右邑隸文之誤今兩廡未改尚稱鄭邦業有知其誤者亦不足辯獨是公孫子石家語稱公孫寵衛人史記則稱公孫龍俱不詳其實然俱載少孔子五十三歲史記孟軻傳附及趙有公孫龍爲堅白同異之辯而繼之云或曰金孔子時或云在其後則堅白

同異之公孫龍亦未敢信謂受業孔氏之公孫龍也至索隱則直以爲仲尼弟子矣而又曰此云趙人弟子傳作衛人鄭玄云楚人各不能知其真似猶有傳疑之意焉乃宋人不復置疑大加排詆近儒尊宋遂謂當黜其祀以理論之堅白同異做詭不倫盜名惑世允爲吾道之賊但子石躬事聖人身通六藝不應任誕乃爾循循善誘亦豈其無所取裁而置不屑教以至於是卽流弊不同如吳起初事曾子荀卿派出子夏誠不可知然亦聖遠言湮壞於再傳數傳之後未有身親受業而末路談衰詖淫畔道如白馬非馬之談者又孔子玄孫穿與公孫龍論臧三耳龍不能

屈既與玄孫同時其去孔子必遠何緣得及門牆而與游
夏之徒並稱弟子乎於稽其年龍少孔子五十三歲孔子
生於周靈王二十一年庚戌則龍生敬王二十二年癸卯
距周赧王之立已一百八十四年而龍爲趙公子平原君
之客平原君以赧王五十七年合楚魏之師以存邯鄲而
龍於是時沮虞卿之請封夫使其爲仲尼弟子子石也者
壽殆二百四十餘歲恐無是理家語弟子籍出孔氏古文
當可信所紀公孫寵衛人者良是寵與龍其名既異衛楚
又異春秋戰國又異明係先後兩人而以遷史一字之謬
索隱因合爲一人以爲其事之可哂莫過於此卽云子

石少事孔子晚年及與穿遊然孔子歿於敬王四十年壬
戌距是時亦二百餘年子思孔子問答儒者尚疑未信而
况穿又七世之孫哉抑或彼子石者延齡久視有出常理
之外亦安得龍鍾垂暮之年而尚曳裾侯門與後生輩競
其齒吻若謂子石實龍非寵家語誤載然古今人同名者
亦自不乏漫焉訛以傳訛正如詭纂夏之羿於陶唐誅殺
人之參於曾母疑叩馬之伯夷復典禮於虞廷稱堯命之
羲和經迎策於黃帝流言止於智者此之謂矣猶幸歲月
不磨史冊可據如法言之揚雄畢竟非劇秦美新之揚雄
士人勿思考究輕詆訛又易隨聲附會遂使吾孔氏之徒與

衍爽尸校慎到淳于髡之流同類而蒙詬者一千六百餘年豈不悲哉張守節正義公孫龍子十四篇顏師古云卽為堅白之辯者蓋亦未敢執為仲尼弟子也蓋其誣自小司馬始

啓聖祠原始

宋真宗大中祥符元年十一月封泰山幸曲阜謁文宣王

廟幸叔梁紇堂命官分奠追封齊國公顏氏魯國太夫

人伯魚母升官氏鄆國夫人

封文宣王父母詔曰朕以祗陟岱宗親巡魯甸未懷宣聖之德躬造闕里之虛奠獻周旋欽崇備至惟隆靈之所自亦錫羨之有初像設具存名稱斯闕官如追命以煥典章叔梁紇宜追封齊國公顏氏宜追封魯國太夫

人遣都官員外郎王勵精虔祭告封鄆國夫人詔曰朕時巡魯觀躬詣孔堂顧風教之所尊舉典章而既渥眷惟令淑作合聖靈載稽簡冊之文尚闕封崇之數屬茲感秩特示追崇垂厥方來式昭遺範升官氏宜追封鄆國夫人仍令兗州遣官詣曲阜廟祭告

元仁宗延祐二年七月追封孟子父為邾國公母為邾國

宣獻夫人

文宗至順二年九月加封叔梁紇啓聖王顏氏啓聖王太

夫人升官氏為大成至聖文宣王夫人

詔曰闕里有家系出神明之胄尼山講禱天啓聖人之生幸觀人文敷求往哲維孔氏之有作集群聖之大成原道統則堯授舜傳至周文王論世家則契至湯下逮正考父其明德也遠矣故生知者出焉有開必先克昌厥後如太極之生天地如鉅海之有本源雲仍既襲於上公之封考妣宜眎夫素王之爵於戲君子之道考而

不謬建而不恃於以敦典而叙倫宗廟之禮愛其所親敬其所尊於以報功而崇德尚篤其慶以相斯文齊國公叔梁紇加封為啓聖王魯國太夫人顏氏加封啓聖王太夫人加封大成至聖文宣王夫人詔曰我國家博典禮以彌文本闡門而成教乃曉素王之廟尚虛元纁之封有其舉之斯為盛矣大成至聖文宣王妻并官氏來嬪聖室垂裕世家籩豆出房自流風於殷禮琴瑟在御存燕樂於魯堂功言邈若於遺聞儀範儼乎其合德作爾禕衣之像稱其命鼎之名噫秩秩彝倫吾欲廣闡睢鳩巢之化皇皇文治天其與河圖鳳鳥之祥可特封大成至聖文宣王夫人

順帝元統三年五月贈顏子父無繇為杞國文裕公母齊姜氏為齊國端獻夫人妻宋戴氏為兗國貞素夫人改塑杞國公像冕九旒服九章杞宥二夫人各建殿祀於曲阜

國朝

世宗肅皇帝嘉靖九年令南京國子監及天下學校通建啓聖祠祀孔子父叔梁紇以先賢顏無繇曾點孔鯉及孟子父激公宜配享堂上宋儒程珦朱松蔡元定俱從祀兩廡

先是弘治元年吏部尚書王恕請立祠廟祀啓聖王以杞國公顏無繇萊蕪侯曾點泗水侯孔鯉邾國公孟孫氏配享永平伯程珦獻靖公朱松從祀大抵因侍講學士程敏政之議禮官持不可遂已十四年侍郎曾鐸復議如前亦不合至是從輔臣張總之請詔天下學校俱建啓聖祠其配享從祀俱如前疏又用桂華議併蔡元定從祀程桂

今上萬曆二十二年增周輔成從祀啓聖祠

從湖廣撫按郭惟賢等議也○藻按孔庭從祀賢儒蓋
有三等親炙聖門身通六藝其一道德著聞人論師表
其二綜述遺經發明聖教其三卽今見在祀典諸儒固
無論已罷祀若鄭玄鄭衆盧植服虔范甯皆經師也吳
澄人師也而嘉靖釐正悉罷而祀于其鄉周氏輔成
學校議禮者似嚴於孔庭之脩食而稍寬於啓聖之錫
類也未學不取妄議第謂人師經師若康成草廬者而
已祀復罷又如唐之孔穎達宋之游呂胡楊國朝之
吳曹羅湛諸君子允爲一代儒英率能闡翼遺經紹明
聖統然而不得與程朱周三子之父共歆秩祀萬世
學者儻亦有人廟興感而致旋於軒輊之未審者乎

位次

正祀

啓聖公孔氏

叔梁紇鄆大夫黃帝之後至帝嚳生契封於商賜姓于
氏殷帝乙之長子微子啓受周封爲宋公四傳至湣公

其生弗父何讓國於弟而世爲宋卿其曾孫正考父三
命滋益恭者也生孔父嘉始以孔爲氏嘉生木金父避
華督之難奔於魯金父生祈父祈父生孔防叔防爲防大
夫是生伯夏伯夏生叔梁紇紇九女而無子其妾生長
子曰孟皮有足疾不任繼祀乃求婚於顏氏顏氏禱於
尼山以魯襄公二十二年十一月庚子生孔子卽周靈
王之二十一年也宋大中祥符元年封孔子父叔梁紇
爲齊國公元大德十一年加封啓聖王
國朝因之嘉靖九年改今稱○聖門志贊水精慶祚勇
力長驅神監尤阜瑞吐玉書丹山威鳳浴海明珠啓聖
百代天
壤與俱

配享

先賢顏氏

東一位

史記顏無繇字路家語作顏繇字季路爲魯卿士孔子
始教於闕里而受學焉娶齊姜氏生于回爲聖門高弟
唐開元贈杞伯從祀孔庭宋大中祥符加封曲阜侯元
元統加封杞國公謚文裕嘉靖九年改今稱祀啓聖祠

○宋高宗御製贊人誰無子爾嗣標奇行爲世範學爲人師請車誠非顧匪其私千載之下足以示慈 丁謂贊素王將聖實爲我師顏子殆庶趨庭學詩請車無媿陋巷安卑追榮侯服逢此上儀

先賢魯氏 西一位

家語曾點曾參父子哲史記作曾啟字皙唐贈宿伯從祀孔庭宋大中祥符加封萊蕪侯嘉靖改從今祀○宋高宗御製贊惟時義方有子誠孝怡怡聖域俱膺是道暮春舞雩詠歌至教師故與之和悅宜紹 丁謂贊侍坐魯堂各言其志合巽而對超乎冉季浴乎舞雩詠歌道義遇我慶成錫璫進位

先賢孔氏 東二位

鯉字伯魚孔子年十九娶宋之升宮氏二十仕魯委吏生伯魚適昭公以鯉魚賜孔子遂名鯉榮君賜也先孔子卒宋崇寧贈泗水侯成淳從祀孔庭嘉靖改從今祀○聖門志贊商王啓祚微子開先周召是訓詩禮並傳父作至聖子述上賢天倫慶殖奕葉萬年

先賢孟孫氏 西二位

激公宜魯公族也娶仇氏生軻三歲而孤母有三遷之教今鄒縣孟廟有斷機堂祠焉元延祐中封亞聖父邾國公母邾國宣獻夫人嘉靖從祀孟孫氏於啓聖祠○高士傳孟母贊母何聖善能教則然墓市學宮非可屢遷女士若休示學靡全成此名儒莫由已焉

兩廡從祀

先儒程氏 東一位

珦字伯溫洛陽人顯順之父也克已爲義內行惇飭崇正闢邪侔南安軍識周茂叔于獄掾而友之使二子受學焉熙寧時以詆新法罷仕終大中大夫贈永年伯嘉靖九年祀○明張朝瑞贊東身飭行嗇已寵義歷官一介成于兩驥清節表世新法抗議甲會熙恬公參其四

先儒朱氏 西一位

五十八

松字喬年婺源人熹父也嘗師羅從彥紹興官吏評員
外郎兼史館校勘以詆和議出補旋卒學者稱韋齋先
生元至正追謚獻靖尋封齊國公嘉靖九年祀○聖門
志贊蚤挾才思尋醜道腴追宗河洛抗直權輿授子三
友爲世大儒標美
父鵠蔚然華秀

先儒蔡氏

東二位

元定字季通建陽人沈之父也薦召不仕事晦菴以黨
禁死道州所著有律呂新書燕樂原辯皇極太玄潛虛
指要洪範解八陣圖說大衍詳說嘉定中贈迪功郎謚
文節學者稱西山先生嘉靖九年祀○聖門志贊學嘗
啖齋行不愧影說理精瑩涉道要領腹
笥百家情田萬頃箕裘者三丹青彪炳

先儒周氏

西二位

輔成道州營道人惇願父也仕桂嶺令萬曆二十二年
以楚中撫按言列從祀○張朝瑞贊周族繁衍營道爲
盛昆友聯詞諫議獨度六舉成名
花封試政篤生願儒祖豆啓聖

祀典存疑

藻按宋以來顏曾子思配享堂上顏路曾皙伯魚從祀兩
廡自洪邁姚燧以爲崇子抑父而熊禾遂謂宜別設一室
祀叔梁紇遷三子以配焉我

朝程敏政亦主其說嘉靖釐正業已通行無庸異議然而
尚有疑者孔庭從祀四配尚矣十哲次之兩廡漸降至啓
聖祠推及所生似又降焉以曾皙學見大意欲修禮教夫
子善之願路魯之卿族少夫子六歲而能折節受業子淵
之死至不能具槨以請子車此其羔羊素絲之節與夫師
友一體之誼有可想見然則一賢之在聖門固俱所謂高